

Na osnovu člana 72. Zakona o javnim nabavkama Bosne i Hercegovine („Službeni glasnik BiH“ br. 39/14), člana 7. alineja b) Pravilnika o postupku direktnog sporazuma („Službeni glasnik BiH“ br. 90/14), člana 10.stav (1), alineja b) Pravilnika o postupku direktnog sporazuma KJU „Gerontološki centar“ Sarajevo i Odluke br. 11-396-2/17. od 31.03.2017.godine, ugovorne strane:

1. **KANTONALNA JAVNA USTANOVA „GERONTOLOŠKI CENTAR“ SARAJEVO**, ul. Aleja Bosne srebrene br.7., registrovan kod Općinskog suda u Sarajevu, matični broj subjekta upisa: 65-05-0223-09 (stari broj 2-3), identifikacijski broj kod Porezne uprave FBiH Kantonalni ured Sarajevo 4200092250001, koga zastupa Direktor Ismet Skoko, mr.sci.ecc. (u daljem tekstu: Ugovorni organ)

i

2. **JAVNA USTANOVA „ZAVOD ZA JAVNO ZDRAVSTVO KANTONA SARAJEVO“**, ul. Mustafe Pintola br. 1., Ilidža-Sarajevo, registrovan kod Općinskog suda u Sarajevu, matični broj subjekta upisa: 65-05-0011-14 (stari broj 3-15), identifikacijski broj kod Porezne uprave FBiH Kantonalni ured Sarajevo 4200329950003, koga zastupa Direktorica dr.med.sci. Snježana Balta, primarijus (u daljem tekstu: Vršilac usluga),

Dana 31.03.2017.godine, zaključuju

UGOVOR O VRŠENJU USLUGA

Član 1.

Vršilac usluga se obavezuje da za Ugovornog organa, na adresi ulica Aleja Bosne srebrene broj 7, u skladu sa svojom Ponudom broj: 05.13.107-1632-2/17 od 27.03.2017. godine, a prema zahtjevima Ugovornog organa, koji čine sastavni dio ovog Ugovora, kontinuirano vrši usluge **dezinfekcije i deratizacije**.

Prostor Ugovornog organa u kojem bi se vršile predmetne usluge obuhvata korisničke sobe i njihove zajedničke prostorije u svim objektima, prostor kuhinje i restorana sa svim pratećim prostorijama, administrativne prostorije, prostor ambulante, fizikalne terapije, frizeraja, podrumске prostorije, sa vešerajem i svim magacinskim prostorima, kao i sve sanitarne i druge nepomenute prostore u objektima ustanove.

Član 2.

Ukupna ugovorena vrijednost izvršenja predmetnih usluga iznosi **3.673,50 KM bez PDV-a**.

Cijena usluga dezinfekcije prostorija Ugovornog organa po jednoj izvršenoj dezinfekciji iznosi 193,75 KM bez PDV-a, što ukupno za period od jednu (1) godinu i 12 dezinfekcija iznosi 2.325,00 KM bez PDV.

Cijena usluga deratizacije po jednoj izvršenoj deratizaciji iznosi 674,25 KM bez PDV, što ukupno za period od jednu (1) godinu i 2 (dvije) deratizacije iznosi 1.348,50 KM bez PDV.

Ugovorena vrijednost ugovora, kao i ukupan obim predmetnih usluga su orjentacione i zavise od stvarnih potreba Ugovornog organa u toku ugovorenog perioda.

Član 3.

Ugovorne strane su saglasne da se usluge vrše sukcesivno, prema planiranoj dinamici Ugovornog organa, na osnovu prethodnog dogovora o terminima obavljanja istih, a u slučaju nastanka potrebe za hitnim intervencijama, koje se nisu mogle unaprijed planirati, izvršilac usluga se obavezuje da će intervenisati odmah, a najkasnije u roku od 24 sata.

Ugovorne strane su saglasne da Vršilac usluga dezinfekciju prostora Ugovornog organa vrši svaki mjesec, a da deratizaciju prostora Ugovornog organa izvrši u sklopu proljetne i jesenje faze obavezne preventivne sistematske deratizacije na području Kantona Sarajevo.

Član 4.

Vršilac usluga se obavezuje da će usluge iz člana 1. ovog ugovora obavljati blagovremeno, stručno i efikasno, u skladu sa zakonskim i drugim propisima iz oblasti dezinfekcije, dezinsekcije i deratizacije i zaštite stanovništva od

zaraznih bolesti, da će koristiti efikasna i dozvoljena sredstva i da pri tome neće ugroziti zdravlje korisnika i zaposlenika, niti narušiti okolinu.

Ugovorne strane su saglasne da u slučaju neefikasno izvršenih usluga, Ugovorni organ zadržava pravo da zahtijeva ponovno izvršenje usluga o trošku Vršioca usluga, a u slučaju korištenja nedozvoljenih sredstava, šteti po zdravlje i okolinu, Ugovorni organ će raskinuti ovaj Ugovor i postupiti u skladu sa važećim propisima.

Sve eventualne reklamacije za izvršene usluge koje su predmet ovog Ugovora, Ugovorni organ će dostaviti pismeno, najkasnije u roku od 5 dana od izvršenja usluge.

Ugovorni organ zadržava pravo da u slučaju učestalih, neblagovremeno i/ili neefikasno izvršenih usluga, ovaj Ugovor raskine, uz prethodno pismeno upozorenje Vršiocu usluga na mogućnost raskida ugovora iz navedenih razloga.

Član 5.

Ugovorni organ je dužan Vršiocu usluga prilikom obavljanja ugovorenih usluga omogućiti nesmetan rad, a Vršilac usluga je dužan da usluge obavlja na način da se što manje remeti proces rada.

Ugovorne strane su saglasne da se dezinfekcija i deratizacija prostora kuhinje i restorana Ugovornog organa, obavlja u vremenu poslije 19:00 sati.

Član 6.

Ugovorni organ će imenovati lice koje će zajedno sa stručnim osobljem Vršioca usluga utvrđivati vrijeme i izdavati usmene narudžbe o vrsti i količini poslova.

Vršilac usluga je dužan voditi knjigu evidencija izvršenih usluga, u kojoj će evidentirati podatke o izvršenim uslugama i u kojoj će ovlaštena lica Vršioca usluga i Ugovornog organa obostranim parafiranjem potvrditi da je usluga izvršena.

Ugovorne strane su saglasne da se na recepciji Ugovornog organa vodi knjiga izvršenih usluga i intervencija, u koju će neposredni izvršilac usluge i predstavnik Ugovornog organa upisivati podatke o izvršenim uslugama i intervencijama.

Vršilac usluga je također dužan nakon izvršene usluge izdati izvještaj kao dokaz da je ista izvršena.

Vršilac usluga je obavezan da se pridržava dogovorenih termina i rokova za izvršenje predmetnih usluga.

Član 7.

Ukoliko Vršilac usluga zakasni sa izvršenjem ugovorenih obaveza, dužan je platiti Ugovornom organu, za svako kašnjenje u izvršenju ugovorenih obaveza, ugovornu kaznu u iznosu od 2% od ugovorene vrijednosti usluge sa kojom je zakasnio.

Ugovorni organ se obavezuje da Vršiocu usluga odmah obavijesti o svakom kašnjenju u izvršenju ugovorenih obaveza, na osnovu koje je Vršilac usluga obavezan umanjiti iznos mjesečne fakture za plaćanje u skladu stavom 1. ovog člana.

Ugovorne strane su saglasne da je za slučaj neizvršenja ugovorenih obaveza Vršilac usluga dužan platiti Ugovornom organu, ugovornu kaznu u iznosu od 5% od vrijednosti ovog ugovora.

Pored prava iz stava 1., stava 2. i stava 3. ovog člana, Ugovorni organ ima pravo naknade štete, ako je ista prouzrokovana ovim neizvršenjem ili zakašnjenjem.

Član 8.

Ugovorne strane su saglasne da u periodu važenja ovog Ugovora cijene usluga precizirane u članu 2. ostaju nepromijenjene.

Svaka eventualna promjena cijena usluga je osnov za raskid ovog Ugovora.

Član 9.

Osnov za plaćanje izvršenih usluga jesu fakture/računi koje Vršilac usluga dostavlja Ugovornom organu za uredno izvršene usluge.

Ugovorni organ se obavezuje da će plaćanje fakturisanih ugovorenih usluga vršiti u roku od 60 dana od dana prijema fakture, putem transakcijskog računa Vršioca usluga broj: 3389002208131096, otvoren kod UniCredit bank d.d. Sarajevo.

Ukoliko Ugovorni organ ne izvrši plaćanje u ugovorenom roku, Vršilac usluga ima pravo na zakonsku zateznu kamatu, kao i pravo da obustavi vršenje poslova i poduzme pravne radnje za naplatu potraživanja. Plaćanje usluga po ovom Ugovoru vršit će se u konvertibilnim markama.

Član 10.

Ovaj Ugovor se zaključuje na period od jedne godine, a primjenjuje se od dana obostranog potpisivanja.

Član 11.

Sve izmjene i dopune ovog Ugovora mogu se vršiti u pismenoj formi, uz saglasnost ugovornih strana.

Član 12.

Ugovorne strane mogu ovaj Ugovor raskinuti pismenim putem i prije njegovog isteka ukoliko se jedna od ugovornih strana ne bude pridržavala odredaba istog, uz prethodno izmirenje svih obaveza nastalih po osnovu Ugovora.

Član 13.

Otkazni rok po ovom Ugovoru je 30 dana, od dana prijema pismenog obavještenja o otkazu Ugovora, a po isteku ovog roka, Ugovor se smatra raskinutim.

Član 14.

Ugovorne strane se obavezuju na pridržavanje zakonskih propisa, čuvanja poslovne tajnosti i pridržavanja poslovnih običaja.

Član 15.

Sve eventualne sporove koji nastanu u toku realizacije ovog Ugovora, ugovorne strane će nastojati riješiti sporazumno, a ukoliko to ne bude moguće, za rješavanje sporova nadležan je sud u Sarajevu.

Član 16.

Ovaj Ugovor je sačinjen u 4 (četiri) istovjetna primjerka, od kojih svaka strana zadržava po 2 (dva) primjerka.

VRŠILAC USLUGA

Broj: 05.14.110-1815/17

Datum: 03.03.2017.



Fehim Džvelić

UGOVORNI ORGAN

Broj: 11-396-4/17

Datum: 31.03.2017.godine

